

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 06-02-163-9/2016-17
Sarajevo, 09.05.2016. godine

Na osnovu člana 70. st. (1) i (3) Zakona o javnim nabavkama Bosne i Hercegovine („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem broj: 06-02-163-13/2016 od 28.03.2016. godine, sekretar Vlade Federacije Bosne i Hercegovine, d o n o s i

ODLUKU
O IZBORU NAJPOVOLJNIJEG PONUĐAČA ZA JAVNU NABAVKU ROBA –
KOMPJUTERSKA OPREMA I KANCELARIJSKE MAŠINE ZA POTREBE GENERALNOG
SEKRETARIJATA VLADE FEDERACIJE BOSNE I HERCEGOVINE

I.

U cilju odabira najpovoljnijeg ponuđača, u provedenom postupku javne nabavke: konkurentski zahtjev za dostavu ponuda za nabavku roba – kompjuterska oprema i kancelarijske mašine za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-02-163-9/2016-3 od 08.04.2016. godine, broj obavještenja o nabavci sa portala javnih nabavki: 854-7-1-16-3-2/16, kao najbolje ocijenjena prihvatljiva ponuda je ponuda ponuđača **Printex d.o.o. Sarajevo**, sa ukupnom cijenom ponude sa uračunatim popustom bez PDV-a, u iznosu **12.629,77 KM**.

II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu.

III.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada svi ponuđači, koji su učestvovali u predmetnom postupku nabavke, budu obaviješteni o izboru najpovoljnijeg ponuđača.

Izabrani ponuđač dužan je dostaviti dokaze o kvalificiranosti u roku od 3 (tri) dana nakon što bude obavješten od strane ugovornog organa o rezultatima postupka nabavke, a prema tački 13.2. tenderske dokumentacije.

IV.

Za realizaciju ove odluke zadužuju se Sektor za pravne i opće poslove i Sektor za materijalno finansijske poslove.

V.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-02-163-9/2016 od 24.03.2016. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosi 14.400,00 KM bez PDV-a. Obavijest o nabavci broj: 854-7-1-16-3-2/16 poslana je na objavu 08.04.2016. godine, te je istog dana objavljena na portalu Javnih nabavki.

Tendersku dokumentaciju preuzelo je 17 (sedamnaest) privrednih subjekata, a 8 (osam) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: EXCLUSIVE d.o.o. Sarajevo, ALF-OM d.o.o. Banja Luka, "R&S" d.o.o. Sarajevo, PRINTEX d.o.o. Sarajevo, SK TRADENING d.o.o. Sarajevo, KAMER COMMERCE d.o.o. Sarajevo, IMTEC d.o.o. Sarajevo i REBUS d.o.o. Sarajevo.

Komisija za javne nabavke, imenovana Rješenjem, broj: 06-02-163-13/2016 od 28.03.2016. godine, izvršila je pregled i ocjenu ponuda, te konstatovala da je, od ukupno 8 (osam) dostavljenih ponuda, prihvatljivo 5 (pet) i to ponude ponuđača: EXCLUSIVE d.o.o. Sarajevo, "R&S" d.o.o. Sarajevo, PRINTEX d.o.o. Sarajevo, SK TRADENING d.o.o. Sarajevo i KAMER COMMERCE d.o.o. Sarajevo, dok su ponude ponuđača ALF-OM d.o.o. Banja Luka, IMTEC d.o.o. Sarajevo i REBUS d.o.o. Sarajevo ocijenjene kao neprihvatljive.

Ponuda ponuđača **ALF-OM d.o.o. Banja Luka** odbačena je iz sljedećih razloga:

- U Tenderskoj dokumentaciji, tačka 3.1.3. Ekonomska i finansijska sposobnost (član 47. tačke a) i c) ZJN-a), kao dokaz za solventnost ponuđača se zahtijeva:
„**Potvrda poslovne banke o solventnosti ponuđača**, odnosno da u zadnjih 12 (dvanaest mjeseci), računajući period do datuma objavljivanja Obavještenja o nabavci, transakcijski račun ponuđača nije bio blokiran.”
Ponuđač ALF-OM d.o.o. Banja Luka dostavio je potvrdu Raiffeisen bank, filijala Banja Luka, broj: 00594/16 od **18.02.2016. godine**, *da račun ponuđača nije bio blokiran, niti je imao zabranu raspolaganja u periodu 17.02.2015. – 17.02.2016. godine.*
Komisija iz priložnog dokaza ne može utvrditi da transakcijski račun ponuđača nije bio blokiran **do dana 08.04.2016. godine**, kada je objavljeno obavještenje o nabavci.

Ponuda ponuđača **IMTEC d.o.o. Sarajevo** odbačena je iz sljedećih razloga:

- U Tenderskoj dokumentaciji, tačka 3.1.3. Ekonomska i finansijska sposobnost (član 47. tačke a) i c) ZJN-a), kao dokaz za solventnost ponuđača se zahtijeva:
„**Potvrda poslovne banke o solventnosti ponuđača**, odnosno da u zadnjih 12 (dvanaest mjeseci), računajući period do datuma objavljivanja Obavještenja o nabavci, transakcijski račun ponuđača nije bio blokiran.”
Ponuđač IMTEC d.o.o. Sarajevo dostavio je potvrdu Bosna Bank International d.d. Sarajevo, broj: 09-086-005226/16 od **16.03.2016. godine**, *da račun ponuđača nije bio blokiran u posljednjih 6 (šest) mjeseci* i potvrdu Bosna Bank International d.d. Sarajevo, broj: 09-377-005226/15 od **17.12.2015. godine**, *da račun ponuđača nije bio blokiran u posljednjih 6 (šest) mjeseci, i nema dospjelih, a neizmirenih obaveza po osnovu finansiranja. Također, ponuđač je dostavio Izvještaj Centralne banke Bosne i Hercegovine o računima pravne osobe od 04.02.2016. godine.*
Komisija iz priložnog dokaza ne može utvrditi da transakcijski račun ponuđača nije bio blokiran **do dana 08.04.2016. godine**, kada je objavljeno obavještenje o nabavci.

Ponuda ponuđača **REBUS d.o.o. Sarajevo** odbačena je iz sljedećih razloga:

- U Tenderskoj dokumentaciji, tačka 3.1.3. Ekonomska i finansijska sposobnost (član 47. tačke a) i c) ZJN-a), kao dokaz za solventnost ponuđača se zahtijeva:

„**Potvrda poslovne banke o solventnosti ponuđača**, odnosno da u zadnjih 12 (dvanaest mjeseci), računajući period do datuma objavljivanja Obavještenja o nabavci, transakcijski račun ponuđača nije bio blokiran.”

Ponuđač **REBUS d.o.o. Sarajevo** dostavio je potvrdu Intesa Sanpaolo Banka d.d. Sarajevo, od **04.04.2016. godine**, da je račun ponuđača likvidan, te nije bio blokiran u posljednjih 12 (dvanaest) mjeseci.

Komisija iz priložnog dokaza ne može utvrditi da transakcijski račun ponuđača nije bio blokiran **do dana 08.04.2016. godine**, kada je objavljeno obavještenje o nabavci.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-163-9/2016-17 od 06.05.2016. godine i Preporuku o izboru najpovoljnijeg ponuđača PRINTEX d.o.o. Sarajevo, sa registriranim sjedištem na adresi ul. Hasana Sušića br. 9 i 11, 71000 Sarajevo, ID broj: 4200597450005, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i tenderskom dokumentacijom.

Izabrani ponuđač odabran je primjenjujući kriterij „najniža cijena”.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke svaki od ponuđača koji je učestvovao u postupku nabavke može izjaviti žalbu ugovornom organu – Generalnom sekretarijatu Vlade Federacije Bosne i Hercegovine, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove odluke.

Dostaviti:

1. Svim ponuđačima u postupku
2. U dokumentaciju Komisije
3. Sektor za pravne i opće poslove
4. Sektor za materijalno finansijske poslove


SEKRETAR VLADE
mr. sc. Edita Kalajdžić